

十五家年譜叢書

一
函十六冊

歐陽文忠公年譜自序

日長曝書偶檢歐陽文忠公集一百五十八卷竟無年譜甚以爲憾因上下鉤稽按年編次以補此譜本集之外正史別集凡遇關涉審慎采摭間有疏辨依條附見文忠生平以道義爲根柢以六籍爲藩衛匡弼而出於至誠故君無所忤糾彈而不避權要故謗有必騰至於正本衛道薦賢敷政發爲文章遠紹唐漢無非關繫世教摠發性真孟韓而後程朱以前砥柱障瀾斯人之功何可沒也歷事三朝不爲不遇而愠於羣小志事終鬱雖厥問不隕亦風波可畏矣雖然此在當時原於仇嫉射景含沙亦無足怪乃相去世遠略無恩怨不爲成美而徒誣惡良不可解洪文敏容齋二筆王文簡居易

錄議文忠中年以後止思穎無一語及松楸瀧岡之上子孫
不臨阡表不作可也直科以不孝之罪嗚呼二公博雅言出
人將信之不知實鹵莽立論不求事實也試觀今年譜情
事如何二公能無悔忤文忠之子叔弼沈毅有守魏泰倚勢
作橫不爲所屈見於史傳呂正獻當國嘗患其不來見於榮
陽所言而劉器之謂其奔競權門正冰炭不類誣罔如此是
誠何心

元城語錄後人所輯恐多僞入

然非熟攷生平博徵雅記不足以昭

晰羣疑也古人往矣曲之直之於彼何與又何與於我然孟子
謂人有四端是非之心亦一端也析疑申枉要以明吾是
非之心而古人之是非亦明爾若夫讀書論世尙友古人則
年譜之作其亦有小助矣夫光緒三年三月之望江右新城

楊希閔鐵備書於臺陽海東書院

據樓玫瑰黃東發皆云歐集有年譜但閔所藏本則無之
海外無別本攷證姑撰此譜以補缺云

歐陽文忠公年譜引用書目

本集

明刻

祠堂本

歐陽文粹

宋史

通鑑長編

續資治通鑑

薛氏

王氏

畢氏

通鑑輯覽

韓魏公集

范文正公集

王文公集

曾文定公集

蘇文忠公集

蘇文定公集

黃文節公集

張文潛柯山集

朱子集 名臣言行錄

張芸叟集

楊文節集

洪容齋隨筆

陸渭南集

樓攻媿集

吳文正集

歐陽圭齋集

宋元學案

四庫全書提要

江西通志

錢竹汀潛研堂集

段茂堂經韻樓集

雜采叢書

劉元城語錄

王銍默記

王漁洋居易錄
池北偶談

何義門讀書記

張合厶漁洋詩話

歐陽文忠公年譜

江右新城楊希閔鐵備編

宋眞宗景德四年丁未六月二十四日公生

公歐陽氏諱修字永叔江西吉州廬陵人唐太子率更令
詢四世孫嘗爲吉州刺史又八世生萬復爲吉之安福令
子孫因家焉曾祖彬安福六世孫也南唐武昌令祖偃南
唐南京街院判官父觀咸平三年進士第終泰州軍事判
官贈太子中書令封鄭國公母鄭氏追封韓國太夫人

狀碑誌

大中祥符元年戊申二歲

二年己酉三歲

三年庚戌四歲

是年丁父憂阡表云四歲而孤韓國守節自誓親教公讀書家貧

至以荻畫地教以書字公敏悟過人覽輒成誦家無書讀

就閭里士人家借讀或因而鈔錄鈔錄未畢已能誦矣晝

夜忘寢惟書是務自幼作詩賦文字下筆如成人參碑及事迹

四年辛亥五歲

五年壬子六歲

六年癸丑七歲

七年甲寅八歲

八年乙卯九歲

九年丙辰十歲

年十歲得韓文公遺文六卷於李氏敝簾乞得之力學焉

黃氏

日抄

天禧元年丁巳十一歲

二年戊午十二歲

三年己未十三歲

四年庚申十四歲

五年辛酉十五歲

乾興元年壬戌十六歲

仁宗天聖元年癸亥十七歲

二年甲子十八歲

三年乙丑十九歲

四年丙寅二十歲

五年丁卯二十一歲

六年戊辰二十二歲

七年己巳二十三歲

是年補國子監生秋取解第一 有謝國學解元啓云伏

覩解文溫膺名薦肆三台雅方列於胄筵旅百在庭遽陪
於方貢惟遘東之彌眾叨首舉以爲榮末云敢不仰銜提
獎益勵進修磨鉛鈍以爲銛策蹇步而希驥哆兮箕舌已
簸糠而在前沛乎鴻毛使培風而直上用於知己答乃初

心本

集

八年庚午二十四歲

是年進士及第

九年辛未二十五歲

補西京留守推官三月有與西京留府交代推官

仲簡

啓

本集

是年元配夫人胥氏來歸 胥夫人墓誌云年二十餘以
所爲文見胥公於漢陽一見奇之曰子當有名於世因留
置門下偕至京師明年當天聖八年某以廣文館生舉中
甲科又明年胥公遂妻以女公諱偃潭州人官至工部郎
中翰林學士以清節爲時名臣居家雖燕亦嚴每端坐堂
上四顧終日如無人雖嬰兒女子無一敢妄舉足發聲其
飲食衣服少長貴賤皆有常數胥氏女旣賢又習安其所

見故去其父母而歸其夫不知其家之貧去其姆傅而事其姑不知爲婦之勞後二年三月生子未逾月以疾卒享年十有七後五年其所生子亦卒後二十年從其姑葬於吉州吉水縣沙溪之山

本集

明道元年壬申二十六歲

仍前官

辛年癸酉二十七歲

仍前官

公在西京與尹師魯

洙

游偕爲古文上下議論

迭相師友又與梅聖俞

堯臣

游爲歌詩相倡和遂以文章

名冠天下王文康公知其賢還朝薦之遷鎮南軍節度掌

書記館閣校勘

參碑狀

王文康知南京公爲留守推官一

日當都廳勘事有一兵自役所逃歸文康問公勘兵事何爲未斷公曰合送本處行遣文康曰似此某作官處斷過甚多推官新作官不須疑公曰若相公直斷雖斬亦可有司則不敢奉行一夜文康召問軍人斷否公曰未文康曰幾至誤事明日遂送所屬處

事迹

景祐元年甲戌二十八歲

官館閣校勘 有謝校勘啓云竊以校讐之職是正爲難委方冊於程文折羣疑於獨見脫絢組之三寸簡編多前後之乖並盤庚之一篇文章有合離之異以仲尼之博學猶存郭公以示疑非元凱之勤經孰知門王而爲閏又云逮親而得斗祿雖慰於子心斂版以揖上官遂成於俗狀

學久矣而將落思兀然而欲枯進無取當時之資退已失

故時之步

本集

是年續配夫人楊氏來歸

楊夫人墓誌云夫人故右諫

議大夫集賢院學士楊公大雅之女歸之十月以疾卒享

年十有八景祐二年九月也後十九年從其姑葬於吉州

吉水縣沙溪之山

本集

二年乙亥二十九歲

是年貶夷陵令

時范文正公知開封府每進見輒論時

政得失宰相惡之斥守饒州在廷多論救司諫高若訥獨

以爲當黜公貽書責之謂其不復知人間有羞恥事若訥

上其書貶峽州夷陵令

參史傳及碑

貶後有與尹師魯書云

五六十年来天生此輩沈默異情布在世間相師成風忽見吾輩作此事下至竈間老婢亦相驚怪交口議之不知此事古人日日有也每見前世有名人當論事時感激不避誅死及到貶所則戚戚怨嗟有不堪雖韓文公不免此累用此戒安道慎勿作戚戚之文師魯察修此語則處之心又可知矣

二年丙子三十歲

仍夷陵 有上運使啓云近以狂言當蒙大譴得一邑以庇身使之思過竊三鍾而就養猶足爲榮獲在公庥是爲天幸 又謝朱推官啓云負弩而隨伍伯當備前驅折腰以揖上官敢羞斂版

本集

在夷陵時無以自遣因舊案反

覆觀之見其枉直乖錯不可勝數仰天歎曰以荒遠小邑
且如此天下可知自爾遇事不敢忽學者求見所與言未
嘗及文章惟談吏事謂文學止於潤身政事可以及物史傳
四年丁丑三十一歲

移乾德令 答孫正之書云三十年前尙好文章嗜酒歌
呼知其爲樂而不知其非也及後少識聖人之道而悔其
往咎則已布出而不可追矣本集

閔案此書不定在此姑係於此取其可作箴言也

寶元元年戊寅三十二歲

仍乾德

二年己卯三十三歲